

時皇妃所住室內忽有日象如鏡之圓空鑿眼前皇妃映見天真大神普在鏡中長林之下一室光明於是自登通陽之臺遙望西方見鳳生丘上紫雲鬱勃神光煒煥非可得名去皇妃所住五百步許通以女根處在宮內

無由得往須臾忽有神鳳來翔集於臺上皇妃白鳳言曰西方有道心願無緣不審神鳳可得暫駕見致與不於是鳳即敕翻使坐翻上舉之徑至道前元始天尊指以金臺王母即汝師也便可施禮皇妃叩頭上落惟願衆尊持垂哀矜則枯骸更生言畢金母封以西靈玉妃之號即命九光靈童披霜縵之蘊出靈寶赤書白帝其文一篇以授皇妃受號三百年中仍值青劫改運皇妃方復寄胎於李氏之胞三年於西那玉國金壘幽谷李樹之下而生化身爲男子改姓上金諱日昌至開光元年歲在上甲元始天尊錫西方七寶金門暗靈皇老君號

五靈玄老君結

洞玄本行經云北方洞陰朔單鬱絕五靈玄

老君者本姓浩字敷明蓋玄皇之胤太清之胄生於元福素賢世界始青天中年十二性好幽寂心觀山水遠於家中或去十日時復一還時天下災荒人民餓殍一國殆盡敷明於地境山下遇一頃巨勝身自採取餉係窮

乏日得敷過救度垂死數千餘口隨取隨生三年不訖他人往覓莫知其處是時辛苦形體憔悴不暇管身遂致疲頽死於山下九天書其功德金格記其玉名度其魂神於朱陵之宮後帝遣金翅大鳥常敷兩翼以覆其尸七百年中尸形不及至水劫改運水泛尸漂於無崖之淵水過而後敷明尸泊貝涓邪源初照天鬱單之國北壘玄丘四十年中又經山火盛行焚燒尸形於火中受鍊而起化成真人五色之雲覆蓋其上至開明元年於北壘玄丘改姓節諱靈會元始天王錫靈會洞陰朔單鬱絕五靈玄老君號

雲笈七籤卷之一百一

雲笈七籤卷之一百二

廿二

紀

混元皇帝聖紀

太上老君者混元皇帝也乃生於無始起於無因爲萬道之先元氣之祖也蓋無无無象無音無聲無宗無緒幽幽冥冥其中有精其精甚真彌綸無外故稱大道焉夫道者自然之極尊也於幽無之中而生空洞焉空洞者真一也真一者不有不無也從此一氣化生後九十九萬億九十九萬歲乃化生上三氣三氣各相去九十九萬億九十九萬歲三合成德共生無上也自無上生後九十九萬億九十九萬歲乃化生中三氣三氣各相去九十九萬億九十九萬歲三合成德共生玄老也自玄老生後九十九萬億九十九萬歲乃化生下三氣三氣各相去九十九萬億九十九萬歲三合成德共生太上也自太上生後復八十一萬億八十一萬歲乃生一氣一氣生後復八十一萬億八十一萬歲乃生前三

齊無白皇老君靈寶經卷之五

氣三氣各相去八十一萬億八十一萬歲三合成德共生老君焉老君生後八十一萬億八十一萬歲化生一氣一氣生後八十一萬億八十一萬歲化生後三氣三氣又化生玄妙玉女玉女生後八十一萬億八十一萬歲三氣混沌凝結變化五色玄黃大如彈丸入玄妙口中玄妙因吞之八十一年乃從左腋而生生而白首故號為老子老子者老君也此即道之身也元氣之祖宗天地之根本也夫大道玄妙出於自然生於無生先於無先從於空洞陶育乾坤號曰無上正真之道神奇微遠不可得名故曰吾生於無形之先起乎太初之前長乎太始之端行乎太素之元浮游幽虛出入杳冥觀混沌之未判視清濁之未分盼髣髴之興光瞻警罔之妙然窺惚恍之容象觀鴻洞之無邊步宇宙之曠野歷品物之族群惟吾生之卓乎獨立而無倫滯則為氣息則為人矣

老君者乃元氣道真造化自然者也強為之容則老子也以虛無為道自然為性也夫莫

能使之然莫能使之不然亦不知其所以然不知其所以不然故曰自然而然者也至若以地為輿操天為蓋馳驚騰蕩翔八外不足比其大也窮幽極微至纖無際析毫剖釐刃缺鋒銳不足言其細也絲竹八音蕭韶九成宮商調暢律呂和平不足言其聲也玄黃煥爛丹青煇煌煌煌輝煌麗華飾不足言其色也燉耀熠燿神明恍惚風流電運霆振響逸不足言其疾也結根九泉沈囂八海水凝敷深淵滄滄峙不足言其止也陰陽不測變化無倫飄飄太素師虛友真不足言其神也光燭玄昧洞鑿無形仰觀太極俯察幽冥不足言其明也影離響絕雲銷霧除鑽冰求火探巢捕魚不足言其無也滌宇宙之塵穢掃雲漢於天衢下坑宏而無底上寥廓而無隅包六合而造域跨八維以為區不足言其虛也然則道固無形夫何為名故乃託虛寄無假道以言之言之不足以盡意故歸之自然自然者理之極乃道之常也故衆聖所共專道專德莫美之壽而常自然惟老子乎

老君者乃元生之至精兆形之至靈也昔於虛空之中結氣凝真強為之容體大無邊相好衆備自然之尊上無所攀下無所躡懸身而處不類不落著光明之衣照虛空之中如合日月之光也或在雲華之上身如金色面放五明自然化出神王力士青龍白獸麒麟師子列於前後或坐千葉蓮花光明如日頭連七曜冠衣晨精服披九色離羅帔項負圓光或乘八景玉輿駕五色神龍達流霄皇天丹節廢九光鶴蓋神丁執麾從九萬飛仙師子啓塗鳳凰翼軒或乘玉銜之車金剛之輪駿駕九龍三素飛雲寶蓋洞耀流煥太無燒香散華浮空而來伎樂駭虛難可稱焉或坐寶堂大殿光明七寶之帳朱華羅網垂覆其上仙真列侍神丁衛軒潘幢旌節騎乘滿空或金容玉姿黃裳縹帔兜凡振拂為物祛塵或玄冠素服白馬朱駿仙童夾侍神光洞玄夫妙相不可具圖學上道之子宜識其形真形不測但存此足以感會也夫學不知其本如嬰兒之失母能知其母又知其子既知其

子復守其母者何也無中之有也是道也至真也宗極也一切所崇也隨感而應應有著微則妙象恍惚乍存乍亡屈者實之得伸暗者向之獲明迷者歸之果定故神明之君應者之時形像相好動靜有則以正理邪

周備無滯救度無窮故稱爲聖或君或臣或師或友依緣相逢達此應者皆由精心感道道氣感是故隨機適品夫夫大道處於無形無形非凡所見應感以形妙相隨時而出或玉姿金體爰及肉身或飛或步或專或早或山或岱或夷或夏不可測量隨感隨妙應已則感或來無所從去無所至洞有洞無洞偏一切悟者即心得道達者觸向乘真能奈識老君專而敬之則得真正道夫論曰夫道不可見見而非也道不可聞聞而非也蓋示理教俱空寂而不動也而道亦能使未見者見未聞者聞此明境智相感而遂通也然通寂雖殊共至一焉故曰道常無爲而無不爲以此論之蓋由人心者也夫心之念道凡有二種一念法身七十二相八十一好具足

微妙三界特專二念真身猶如虛空圓滿清淨不生不滅若於此相未能明察須憑圖像係錄其心當鑄紫金寫此真形泥水銅絲繩力所爲殿堂帳座橋華燈燭隨心供奉如事真身想合丹劍功德齊等若能洞觀非身之身圖像其形理亦無二是以教像隨心復福報之輕重惟在其心念念增進自然成道所謂人能念道道亦念人即此之謂也

太微天帝君紀

紫度炎光神玄變經云太微天帝君生于始音之瑞九曜神靈之胤玄氣未變之始結流芳之胃而法形高遠九炁靈紫雲羅電玄煙流霽丹輝耀絡妙覺潛啓仍採絢上契條暢純和吐納冥津邊降靈生之胎哺兼洪泉曲芝行年二七金容內發玉華外映洞慧神聰朗觀虛玄編掌帝統其所任乎澄流九霄之靈飛眺洞清之源明機覽於極玄領銜運于億津積感加於冥會妙啟登於自然是以得禦紫度炎光迴神飛霄登空之法修行內應上登玉清高上之專道備以付中央黃老君

馬

青要帝君紀

洞真青要紫書金根衆經云青要帝君者九陽元皇玉帝之弟子也以中皇元年歲在東維天始告暉君育於玄丘王國無崖之天瓊林七寶之下溟濛九域之濱法化應闢三日啟展厥姓堯諱宇伯開仍有九龍翼君側七色瓊鳳騰君身神辨含芝以哺玄天女吐精以灌真玉童擲華以却穢神祀散香以撲塵含漱胎息法秀自然年冠二六面發金容體生靈符容與順化應運浮沉接心明霞之境遊遊玉圖之墟執抗元皇之策落景九域之丘道遠流盼遠經萬劫方還清齋雲房之間以紫雲爲屋青霞爲城黃金爲殿白玉爲林五氣交結高臺連瓊玉陸文階鳳闕四張金童侍側玉華執中天仙羅衛五千餘人九陽元皇玉帝君時乘碧霞九鳳飛輿瓊輪羽蓋從森林千真萬衆億騎飛行侍仙三十六人雲景霄庭來降於君與君共登九老仙都之京九曲之房命西臺龜母開雲鳳之蘊紫錦

之囊出紫書真訣吾篇已受於君君修行道備位登玉清太上大道君授君飛雲羽蓋流紫鳳章金真玉光豁落七元金神虛符流金火鈴青玉璽九色無縫之章草青羽裙飛行上清於是縱景萬變迴轉五晨策虛召月攝

日揚輪洞化離合與真同靈解形遷變餘缺億千上登三元朝謁玉官遊覽無崖崖落九天出入洞門鴻契玉仙仰東高上元始太真應氣順命位掌帝表縱統萬道無仙不關下攝十天山靈河源五嶽四海莫不上練於君者也

總真主錄紀

洞真變化七十四方經云上清總真主錄南極長生司命君姓王諱改生字易度乃太虛元年歲洛西香玉商啟運朱明謝運天元冥遊三暉野春晨風迅虛六日明屬君誕于東林廣昌之城長樂之鄉行年十四棄世離俗心慕神仙遇紫府華先生授陰陽棊養劑咒修生三五變鍊七九復神道御中和胎息之方行其術壽至四百年登玄漢之洞隱康之

房詣屠先生受金丹鍊雲芝之根柔金剛之經飛煙起霜沈靈之方招霞咽精之道服御七年與日合景行經神州空洞之山遇太一真人戴先生受帝君九鍊之方

中天玉寶元靈元老君紀

洞玄本行經云中天玉寶元靈元老君者本姓現字信然蓋洞元之胤中和之胃生於善忍世界育元天中流生之丘受生一切默然不語混沈無心食氣為糧天地未光無常童子於無色之國投信然靈寶赤書赤帝真文一篇於是而言是時惟修一身初不開張廣慶天人善功未充運應更藏於青元天中命終流生之州靈體絕丘之下經一百餘年死而不灰常有黃氣覆蓋其上至水劫流行天下溟然靈骸四面涌上連天過雲水道信然應化鬱然而起更生成人改姓通雅諱曰元氏水過之後天地開光三象玄曜七元高明元始天尊以開光元年歲在己丑於高桃厲冲龍羅天反魂林中錫元氏玉寶元靈元老君號

赤明天帝紀

洞玄本行經云昔禪黎世界隊王有文字絳音一曰生乃不言年至十四王怪之乃棄女於南浮長秦之阿空山之中女之糧食常仰日咽氣引月服精自然充飽體不疲損常行山中周而養洞忽與神人會於丹陵之舍栢林之下執絳音右手題赤石之上語絳音曰汝雖不能言可憶此也絳音私心自悼受生不幸口不能言棄在窮山誓心自願得還人中當作功德無有愛惜百劫之後冀與願會天為其感遣朱宮靈童下教絳音理身之術受赤書八字之音於是能言絳音晨夕朝禮天文道真既降逆知吉凶役使百靈坐命十方於山而出還於王國時天下大旱人民焦燎王大懼怖祈諸神明絳音往白王言常聞山中有女不言能感於天王識之乎王於是悟識是王女乃迎女還宮見女能言王見愧顏女顯其道為王仰嘯天降洪雨注水至丈於是化形隱景而去乃更寄形王氏之胞運未應轉方又受生還為女身父字以福慶名

曰阿丘曾年及人禮乃發大慈之心布施窮乏獨寢一處不雜於物然燈燒香長齋幽室丹誠感積道為之降以開光元年十方大聖尊神妙行真人會南國丹霍之阿三元洞室青華林中衆真侍坐香華妓樂五千餘衆其文奕奕光明洞達映朗內外雲景輝煌如星中之月去阿丘曾所住舍數十里中丘曾時年十六見舍光明內外朗照疑似不常乃出南向望見道真丘曾歡喜叉手作禮遙稱名曰丘曾今遭幸會身親天尊非分之慶莫知所陳歸命十方天中之天惟蒙玄鑒賜以誠言萬劫滅度世得飛仙魔見丘曾心發大願力過魔界因化作五帝老人往告丘曾云我受十方尊神使命來語汝曰靈寶法典五道方行每欲使人仁愛慈孝奉事長教承二親如聞汝父嘗誇汝身已相許和受人之言父母之命不可不從宜先從之人道既備餘可投身違父之教仙無由成女蒼魔言我前生不幸夙無因緣功德未充致作女身晨夕尅勵誓在一心用意堅固應於自然生由父

母命歸十天誠違父教不如君言魔見丘曾執心為正於是便退丘曾自云道既高遠無緣得助乃聚柴發火焚燒身形其形骸得成飛塵隨風自舉得至道前於是火然丘曾投身紛然無著身如蹈空俄頃之間已見丘曾化成男子立在道前元始天尊師命南極尊神為丘曾之師授丘曾十戒靈寶真文元始天尊又告南極尊神曰丘曾前生萬劫已奉靈寶功德未備致寄生轉輪至于今日化生人中見吾出法即得化形當更度人九萬九千乃得至真大神為洞陽赤明天帝

南極尊神紀

洞玄本行經云南極尊神者本姓皇字度明乃閻浮黎國宛王之女也生於禪黎世界赤明天中生乃當貴父為國王女居宮內金林玉榻七色寶帳明月雙珠光照內外王給妓女數千人國中珍寶無有所乏常欲布散大建功德志極山水訪及神仙遍限宮禁津路無緣志操不樂心自愁煎王意憐愍慰諭百端問女意故女終不言淚落如雨切無一歡

王知其妓樂日日作唱度明聞樂常如不開獨在一處清淨焚香長齋持戒日中乃餐王知其意乃於宮中為踊土作山山高百丈種植竹林山上作臺名曰壽真玉臺度明棄於宮殿登臺棲身遠避道徑人不得通單影獨宿一十二年積感吳蒼天帝君遣來宮玉女二十四人乘雲駕鳳下迎度明當去之夕天起大風雷雨電激揚地舍旋轉驚動一國王大懼莫知所從天曉分先失去山臺不見其女天帝迎度明於陽丘之嶽丹陵上舍相林之中朱鳳侍衛神龍翼軒玉童玉女三百餘人於後大劫數交天地易位度明應在素落之例而上感其丹至朱宮書其紫名化其形骸於無始之胞一切而生得為男身於南丹洞陽上館明珠七色寶林赤帝梵寶昌陽丹靈真老君錫度明以南極上真之號

雲笈七籤卷之一百二